

Oleh Mohd Jamilul
 Anbia Md Denin
 anbia@hmetro.com.my

Putrajaya

Gasak sindiket penyelewengan gas petroleum cecair (LPG), petrol dan diesel dalam negara habis-habisan.

Itu tekad penguat kuasa Kementerian Perdagangan Dalam Negeri Koperasi dan Kepenggunaan (KPDNHEP) dalam membenteras kegiatan penyelewengan barangan subsidi utama itu.

Ini dibuktikan apabila KPDNHEP melakukan 174 operasi dan serbuan di seluruh negara sejak Januari hingga semalam.

Difahamkan, operasi membabitkan 33 kes penyelewengan diesel, 75 kes penyelewengan petrol dan 66 kes penyelewengan LPG.

Pengarah Bahagian Penguat Kuasa KPDNHEP, Datuk Iskandar Halim Sulaiman berkata, semua serbuan dan tindakan diambil itu membabitkan jumlah rampasan barangan bernilai lebih RM2.8 juta.

Menurutnya, pihak KPDNHEP mengesan beberapa modus operandi digunakan sindiket antaranya mengu-



SESAH 'HANTU'

KPDNHEP tekad hapus sindiket seleweng LPG

na pakai lesen milik individu lain untuk menjalankan kegiatan.

"Malah, sindiket dikesan mendapatkan bekalan daripada pemborong sah di negara ini. Sindiket tidak lagi membeli barangan bersubsidi ini di kedai runcit atau lokasi terbuka seperti se-

belum ini.

"Apa yang dikesan adalah penyelewengan berlaku di peringkat pemborong. Taktik dan ketirisan ini didedahkan hasil pemeriksaan pegawai KPDNHEP pada buku audit dan stok di kilang pemborong," katanya. Menurut-

LPG, diesel atau petrol yang diseleweng ini kemudian dipindahkan ke stor haram sebelum dijual semula pada harga industri.

"KPDNHEP akan menggiatkan lagi pemeriksaan dan operasi antaranya Op Tiris dan Op Jeriji bagi membenteras kegiatan ini. Kami turut akan melaksanakan audit dan naziran berkala terhadap pengilang, pembungkus dan peruncit," katanya.

Serbuan dan tindakan diambil babit jumlah rampasan barangan bernilai lebih RM2.8 juta